

周

禮

問

西河合集

周禮問目

卷一

周禮非漢儒偽作四條
六官三官二官二條
古無三司名

周禮與尚書周官大戴禮表裏
周六卿唐虞六卿
司徒司空
天地四時之名所始
宰夫

卷二

官名官職同異
人數多寡
周官祿數不給人數
分土三等制異
九州開田
周官非秦制
羅氏攻周禮之謬
周禮與他書同文

西河合集

蕭山毛奇齡

字大可稿

又初晴稿
文輝克有較
遠宗姬潢

周禮問一

或問宋儒極詬周禮然未有實指爲何人作者至
宋胡宏包奎輩直以爲出于西漢劉歆之手謂王
莽時歆爲國師始作周官經以阿莽至莽不欲爲
母服卽大集博士發周禮以定爲服總之制故此
書在漢初無有至歆爲列序始有其名著于錄略
得毋其書果歆所爲乎

曰此皆宋人誣妄毀經習氣好作此等語如誣孝經
爲劉炫僞作誣古文尚書爲梅賾僞作一類此最誤
古學者周禮自非聖經不特非周公所作且并非孔
孟以前之書此與儀禮禮記皆同時雜出于周秦之
間此在稍有識者皆能言之若實指某作則自坐誣
妄又何足以論此書矣嘗讀景十三王傳知此書出
自武帝之朝爲河間獻王所獻武帝但藏之內府而
不行其書至成帝朝劉向奉詔校理祕書始發周禮
古文尚書左氏春秋諸書編作七錄此皆劉向事並
非劉歆故藝文志云成帝時以書頗散亡使謁者陳

農求遺書于天下詔光祿大夫劉向校書經傳諸子
向條其篇目撮其指意錄而奏之會向卒哀帝復使
向子歆卒父業歆于是總羣書奏其七略故有六藝
七略之屬是周禮一書在武帝時已有之成帝時又
從而校理之且其校理者是向不是歆而乃以武帝
成帝時早有之書而移之莽以父所校理者而移之
子則先以誣已而欲以辨人之誣所謂以暴易暴孰
知其非者也

又問漢書作于班氏在向歆之後焉知藝文志及
景十三王傳非卽歆七略中所傳而班氏述之者

此亦非實錄也

七略今不傳固無可考然歆能僞作周禮不能造爲周禮出處蹤蹟以欺當世假使河間獻王不獻周禮成帝不詔向校理周禮歆可造此諸事以欺同朝諸儒臣乎且景十三王傳云獻王所獻皆古文先秦舊書周官尚書禮記孟子老子之屬皆經傳說記言有經卽有傳與說記也此必非歆可造造其語者乃考之藝文所志在當時所有之書則實有周官經六篇周官傳四篇此班氏所目覩也此必非龔劉歆語也使歆旣爲經又復爲傳此萬無之事藉曰有之則俾

哉劉歆東西二漢亦安有兩將所稱博而篤者必不止論顧一篇書矣且讀書常有究竟藝文志十樂經云六國之君魏文侯最爲好古孝文時得其樂人竇公上獻其書乃周官大宗伯之大司樂章也則在六國魏文侯時已有此書其爲春秋戰國間人所作無疑而謂是歆作可乎

或又曰藝文志竇公節註引桓譚新論云竇公年百八十歲兩目皆盲文帝問之云云恐劉歆與桓譚楊雄同時交好竇公之說卽桓氏烏有之言乎曰竇公獻周禮大司樂章或可造言其年老而爲樂

工則非可造言也。且武帝好樂，亦嘗以周官經定樂章矣。藝文志于寶公獻樂章後，卽云武帝時河間獻王好儒，與毛生等共采周官及諸子言樂事者以作樂記。內史丞王定傳之以授常山王禹。禹成帝時爲諷者，獻其書有二十四卷。非舊記也。劉向校書得樂記二十三篇。此古樂記。與禹不同，則在武帝朝。且有采周官經而爲樂記者，此不止寶公獻一篇，必非歆譚行僞于周官經六篇外又作此二十四卷斷可知也。且周官之出在東漢人卽有訛其非周禮者。林孝存也。孝存以爲武帝知周官爲本世遺亂不職之書，損

斥不行因作十論七難以排棄之是闕此書者亦且
明明云漢武時早有此書而效尤而興者反昧所從
來是學攻膏肓而不解墨守曳兵之卒也

且歆之發周禮立博士非阿莽也歆繼向校書實有
表章周官左傳及古文尚書毛詩之意故移文博士
勸立學官並非爲阿莽而設觀莽所願效者仿大誥
擬金縢皆今文而非古文餘可推矣世無學者但讀
王莽傳謂莽母功顯君死不欲居哀遂開祕府發周
禮會羣儒定制引周禮云王爲諸侯總弁而加裘經
遂擬攝皇帝仿諸侯之服爲母服總此實無理之極

並非歆意而宋人必坐歆罪以爲歆實諂葬此卽作
周禮以爲行諂所自始夫因葬欲短母喪故特造一
書以諂葬則何難專造一條云太宰居攝則負扆行
政不當私爲父母服喪或絕或降而徒引司服職云
王爲三公六卿錫衰爲諸侯緦衰爲大夫士緦衰其
首服皆弁經此與攝皇帝服母何涉而勉強合其
斷非專意所造亦曉然矣且葬傳明云平帝四年徵
天下通一經教授十一人以上及有逸禮古書毛詩
周官爾雅諸書能通知其意者皆詣公車則在平帝
未崩葬母未死以前顯行周官著于令甲而謂周官

之僞。始于居攝。則莽傳且未終讀。何見他耶。

或又問周禮自是僞書。三代止有三卿而無六卿。三卿者司徒司馬司空也。虞書命禹作司空。命契作司徒。祇有此二官而無司馬。歷夏殷。猶然。綿詩乃名司空。乃名司徒。是太王在殷時亦止此二官也。至武王伐紂。作牧誓。然後有司徒司馬司空三官之名。見于經文。其後周公定制。亦止此三官。觀梓材立政。皆祇稱此三官之名。而不及其他。酒誥變名爲圻父農父。宏父亦三官別稱。周時公卽以此三官爲之。謂之三司。若冢宰宗伯司寇並

無列在三官內者以此雜參之三官之間而謂之
六卿又謂之六官是亂制也且篆字非官名也
者大也宰者主也言大主國事云爾並無實學一
以上公一人當之如論語百官總已以聽于冢宰
是也若宗伯則周無此官顧命但作大宗即曲禮
先六大二曰大宗並不稱宗伯至春秋左傳
以夏父弗忌爲宗伯然非周官也若古文書思
官則儼有其名然古文尚書亦僞書正與上篇作
僞者互相表裏此未可據也

周禮一書全以尚書周官一篇爲根柢故其書亦名

周官經以祇記官制非禮制也今既曰二書俱僞則
不得以周官証周禮矣予卽舍周官以辨周禮據云
三代有三卿而無六卿則不聞今文甘誓有大戰于
甘乃名六卿乎天子六軍皆命卿諸侯三軍惟以三
卿受命者爲之此在春秋時晉宋諸用兵皆然故鄭
註謂唐虞夏殷皆有六卿雖其卿名不必與周官並
同然而不得限之爲三矣是以孔安國註甘誓直引
周禮夏官文天子六軍軍將皆命卿卽宋人蔡沈集
註亦云六卿六鄉之卿蓋天子六卿每鄉各一卿無
事屬司徒有事屬司馬亦此周禮文也故甘誓有六

卿之名昏義天子立六官三公九卿有六官之名周禮一書直通三代而謂周制無六官六卿何其妄乎若謂虞廷祇司徒司空而無其餘則不知稷卨是米犧卨是牛命禹作百揆卨是冢宰命伯夷作秩宗卨是宗伯命皋陶作士卨是司寇此在稱名損益者有然如以官名不同遂謂唐虞無此官將唐虞稱帝夏商稱王得毋夏商無天子乎往見羅喻義闢古文曾有此說予略論之寃詞中而不竟其說以爲不足辨也今復聞此說亦可厭矣夫肅詩乃名司空乃名司徒以板築言也二官皆司土功也故他不及也牧誓

司徒司馬司空以司馬主兵政司徒張五籍司空築
營壘也是以宗伯與冢宰皆不及也如必以見經之
日爲立官之日則殷高宗時必無冢宰何則以百官
總已以聽于冢宰見之論語在殷亡命篇無此文也
往有問于予者曰周禮六官何以不見于春秋諸卿
曰見之其人愕然曰可舉似乎一祗以魯言之隱
十一年公子羽父求大宰是冢宰也一年夏父弗
忌爲宗伯是宗伯也昭四年季孫爲司徒叔孫爲司
馬孟孫爲司空是司徒司馬司空也定十四年孔子
爲司寇是司寇也六卿備矣其所以絕不知有是官

者以通稱大夫不專名耳。列國皆然不特晉宋吳楚
陳鄭諸國皆有冢宰太宰司馬司徒司空司寇諸名
見于春秋。卽終春秋世不見一名者亦皆有之。如衛
未嘗見三官而尚書梓材曰我有司徒司馬司空則
在康叔時未嘗乏也。特周禮侯國止三卿而王制小
國且減一卿而此則六卿俱備者蓋祇有是官不必
盡命爲卿耳。向使讀春秋者在西漢之世祇見公穀
而不見有左氏策書不幾謂周禮大官春秋無有此
正學古者所大常猛省而乃目睹一字而但思以減
字海虞至死不悟矣。

況二官三官隨事立名。原不必以數限之。太王遷都則以司空司徒爲二官。王制論質成則以大司寇大樂市爲三官。曲禮典五聚則以司徒司馬司空司士司寇爲五官。又敘六太則以太宰太宗太史太祝太士太卜爲六官。國語論八協則以司民司市司徒司寇牧人工人場人廩人爲八官。又敘九卿則以農師農正后稷司空司公太保太師太史宗伯爲九官。其有宗伯司徒司空而無冢宰司寇者不得謂無冢宰。司寇有冢宰大宗而無司徒司馬司空者不得謂無司徒司馬司空。此通識矣。

若謂周時三公卽以司徒司馬司空爲之謂之三司則大謬矣。歷考羣經自唐虞及周並無以此三官爲三公者。惟書傳有司徒司馬司空公語。彼謂六卿爲三公約有三等。一是冢宰司徒爲一等。二是宗伯司馬爲一等。三是司寇司空爲一等。每一等合兩卿爲之。而又各取其下者以爲名。故云。一曰司徒公。二曰司馬公。三曰司空公。各兼二卿。並未云三公止此三官也。至秦制以丞相御史大夫太尉爲三公。漢襲秦制不改。歷哀平間始以司徒司馬司空爲三公。然尚有太師太傅太保三名在三公上。謂之上公。而

後漢因之此漢制非周制也若三司之名亦起後
章帝建初中使車騎將軍馬防位同三司賜爵
中使車騎將軍鄧騭儀同三司後遂有儀同三司
官及開幕府又謂之開府儀同三司此叔世官制
妄稱周制可乎

若謂冢宰非官則予向已辨之曰必非可食之物夫
公卿爲虛銜故三公可兼冢宰冢宰可名六卿之宰
亦虛銜則春秋有宰周公公既虛宰又虛虛豈亦
且虛銜在六卿皆可爲之不止冢宰召公以司徒而
兼公蘓忿生以司寇而亦兼公故書傳有司徒公司

馬公之稱。且有時六卿中有爲公者。而司徒冢宰仍居本職。而位于其下。竹書王錫尹氏。皇父命爲三公。而詩云。皇父卿士。番維司徒。冢宰是皇父。以卿錫命。而番與冢伯仍爲天官卿地官卿。而位其下。且爲之黨。此明明可按也。如謂無實職。則太宰雖統六官。總衆治而實有本職。王制云。太宰制國用。而別禮。卽以九職九賦九式九貢專理財賦。故舊禮王度記云。天官冢宰一人。其班爵祿如天子之大夫。而班氏自虎通亦云。冢宰職在制國之用。此非無實職者。况掌治卽職也。如謂冢伯非周官。至魯春秋時始有此

名則周語宣王時號公諫不藉千畝卽有太師七之
太史八之宗伯九之之文此非春秋魯官名矣

若夫周禮一書出自戰國斷斷非周公所作予豈不
慨然周制全亡所賴以略見大意祇此周禮儀禮禮
記三經以其所記者雖不無參臆而其爲周制則尚
存十七此在有心古學者方護衛不暇而欲逛絕之
如餽羊盡亡矣試思字書有蒼頡篇何人不知爲非
蒼頡所作然而考字者必引以爲據何也乃陋學放
恣并思謗毀尚書予已作古文尚書冤詞八卷辨之
詳矣五帝三王之書或從此可少安矣乃復以周禮

六官之說波及尚書以爲表裏作僞據其所爲僞者
謂尚書作于梅賾周禮作于劉歆歆在西漢末安能
取東晉梅賾周官而規倣而蹈襲之以成此一書此
固孩孺所不道者但其愚意單以爲六官六卿冢宰
宗伯諸名皆劉梅兩家僞造以亂周制故力辨之今
有真正周制爲劉梅所必不能造者以使之自省大
戴禮盛德篇云古之御政以治天下者冢宰之官以
成道司徒之官以成德宗伯之官以成仁司馬之官
以成聖司寇之官以成義司空之官以成禮故六官
爲六轡執此六轡以御天地與人與事謂之六政則

儼然有六官之數六官之名六官之次第與家宰宗伯司寇同列六官之位號而其書早出在西漢元成以前不惟不知有劉歆梅賾兩人并不知有古文尚書與周官經兩書也此真周禮矣卽陋學曰劉梅襲大戴以爲言然亦周禮矣猶大學引如切如磋以爲說雖大學然亦詩矣可無辭矣

况尚書顧命篇乃同召太保奭芮伯彤伯畢公衛侯毛公亦是六卿召公奭稱太保與畢公毛公皆稱公此以六卿爲三公者乃其次第則一如周官周禮六官次第當時芮伯爲司徒衛康叔爲司寇毛公爲司

空而其所敘者乃先後恰合故賈氏周禮序云太保
領冢宰畢公領司馬毛公領司空別有芮伯爲司徒
彤伯爲宗伯衛侯爲司寇此正指顧命爲言亦是真
周禮俗所稱今文尚書者但經無冢宰司徒諸明文
以不藉引據耳

尚書傳云惟元祀巡狩四岳註云舜格文祖年
元始以羲和爲六卿春夏秋冬者并掌方岳之
爲四岳出則爲伯其後稍死驩兜共工求代乃
伯是堯時亦有六卿并有天地四時之官此又
墨郊子論官之外者又鄭註大傳夏書云所謂八卿

者后稷司徒秩宗司馬作士共工是唐虞六卿與周
正同。但天官非冢宰而云后稷者以稷本天事耳。
時冢宰名百揆位六卿上故小異耳。則是六卿六官
在今文尚書家亦且云唐虞夏商並皆有之而反以
之疑古文。周官不亦怪乎。

或又謂古司徒典教虞書敬敷五教是也。自周禮
以官強配天地四時因以司徒配地作地官主土
地之事遂使司空掌土反無職事不得不虛其一
以待後人之補之。况天地四時其于所職所名俱
參變不合此不特非周公所制幾見三代以前有

此名稱乎

周禮司徒職原似厯雜然古實如此如周語宣王料民仲山父以司徒協旅爲言則實職與版民衆之事王不藉千畝號文公陳九徇之法曰司徒五之則又佐農正后稷司空土穀諸事故洪範陳八政井及司徒以兼司食貨諸政故也縣詩遷都專舉司徒司空兩官以度地作室縮版立廟實兩官共之者也然則司徒地官矣其與司空共職土者亦自昔有之不必始周禮矣且周禮旣作僞則六職參變或同或異惟所欲爲何必故闕一以示漏紱考周禮山屋壁時已

闕冬官獻王以千金購之不得乃取考工記一篇補冬官之闕其後南宋俞庭椿作周官復古編謂冬官不闕實錯簡在五官之內于是取五官中近似者割取之以別爲一卷而陳深又謂周官六職先王以五職以存體而虛一職以待用蓋司空有官無職董仲舒言大冬積于空虛不用故曰冬曰空如大禹名康公仲山甫名穆公宋皇國父司城子罕其所職未有專屬司空者其言甚辨但補固多事強割五官爲一官尤屬誣罔若謂無專職則又大謬大禹作司空專司治水子罕釋相爲司空獨執扶扑以巡行版築何

嘗無職解經如此輩盲撞瞎觸經所以亡古書自有闕論語無齊論非孔子不善作尚書亡其半不必于作書者有隱情也

若夫天地四時之名則自古有之楚語少昊氏之衰九黎亂德顓頊乃命南正重司天以屬神火正黎司地以屬民堯時以羲和繼之名天官地官此天地之名所自始也至于四時則左傳蔡墨論五行之官以木正勾芒爲春官火正祝融爲夏官金正蓐收爲秋官水正玄冥爲冬官土正后土爲中官而服氏子鄒子論官之註則凡黃帝以雲紀官炎帝以火共工以

水太皞以龍少皞以鳥皆有四時之名如春官爲青
雲夏官爲緝雲秋官爲白雲冬官爲黑雲春官爲大
火夏官爲鶉火秋官爲西火冬官爲北火類歷歷可
據而至于少皞以鳥則直有祝鳩司徒鳩司馬鳩
鳩司空爽鳩司寇鶉鳩司事諸名見于其時其既有
司空又有司事註謂實一官而兩名以司空掌營造
之事既可職土而又可職工一如虞書之有司空又
有共工是以周禮于少皞之職于天官掌邦治地官
掌邦教後不曰冬官掌邦土而曰冬官掌邦事此正
與古王命名損益表裏毫釐不爽

大戴禮亦云百廢不審立事大理飭

司而三鄭杜賈諸儒並昧昧不能註出而至予今日
而始得指示以爲說真可嘆也然則舉世不學千載
漆室亦復何易讀周官矣

至若天地四時與職不甚合則亡友張南士曾言之
謂天地四時祇以紀數不必牽合職掌以自取間隙
古來無六數之物祇上下四旁謂之六幕因借此紀
官一如後世以甲乙枝幹紀庫舍之類此亦說之善
者觀少皞紀鳥便不必與六幕合此可驗也若曲禮
建天官先六太則直以天官事神五官治民又各不
同善讀書者如對琉璃屏一照並徹豈得遮蔽在一

處耶

或又謂天官一職既有大小宰二官掌其事矣則宰夫原可不設况宰夫卽膳夫亦卽庖人也今乃以宰夫列大小宰之次佐掌吏治則爲侵官既有膳夫又有庖人則爲濫役且膳夫最賤隸人天官已爲不倫况位亞宮伯隣之大府諸官之上又爲越職按檀弓杜賁曰賁也宰夫也非刀匕是供而禮防是議是以自罰則明明以宰夫爲膳夫而兩名錯出是爲亂典夫祇此天官首章而開卷如此豈非僞乎

宰夫佐二宰行命令誅賞諸事別有職掌此不過如
司徒下之有鄉師司馬下之有諸司馬後世令丞下
之有副倅但作佐領並未專擅何爲侵官且春秋原
有太宰小宰宰夫三官其稱宰周公者此太宰也公
也稱宰恒宰渠伯糾者卽宰夫也士也蓋公祇稱爵
卿則稱字士則稱名凡名而不字卽是宰夫故公羊
曰宰者士也上士以名通者也此可據矣且膳夫之
賤隸在天官且列之宮伯之下往亦疑之後讀雲漢
詩曰疚哉冢宰膳夫左右十月之交詩曰冢伯冢宰
仲允膳夫始悟膳夫甚尊凡天事有關水旱日食則

必及之。此真天職。所以周禮斷斷必列之天官之中。且其官關係不論卑小。觀虢文公引耕籍之典。膳夫農正陳籍禮。一曰膳夫贊王。其時三公六卿皆以位列而膳夫公然首執天事。未嘗降在大府諸臣後也。若謂宰夫卽膳夫。則不特檀弓行之卽周語宰夫陳饗膳宰監之。春秋亦云宰夫饗熊蹯不熟。要足彼此通稱之名。蓋宰夫稱宰。膳夫稱膳。宰故膳。夫亦可稱宰。夫檀弓稱宰夫杜蕢。春秋卽稱爲膳宰。屠蒯官名與人名俱不同矣。膳夫稱宰夫。非亂典猶之屠蒯稱杜蕢。非亂人也。至如庖人膳夫職同名異。亦非

濫役膳夫膳宰固諸經所有然孟子又云庖人繼肉
廩人繼粟庖人廩人皆周禮中官名向使周制無此
官則孟子又何爲歷歷道之往在湖西講會論春官
瞽瞍一官宣城高阮懷謂瞽何必瞍尚書瞽奏鼓國
語瞽告有協風至祇一瞽字而已山陰張南士謂詩
云瞍瞍奏公國語曰瞽獻典瞍誦則亦儼然有瞍字
何也是以善讀書者必不執一以攻一執所見以攻
所未見夫古書滅沒人所不見者多矣况古人作書
絕不類今人作文令彼此通見周史作梓材以告康
叔既有司徒司馬司空則其作酒誥以告康叔必易

以農父圻父宏父三名此豈周王可妄言周史可妄
記哉是必當時有此名而世未見也故周公論官祗
有周官立政二篇周官有恒稱曰立政諸官曰不相
襲然而常伯常任準人不知何官庶言庶獄庶慎又
不知何官然且諄諄告誡曰三事曰三宅曰三俊其
歷敘夏禹成湯及文王武王則必三代原有此官名
而世罕見者假使此篇爲古文尚書爲周官經則羣
起而並攻之其廢之久矣人不識周禮盡亦取立政
而論思之

西河合集

蕭山毛奇齡

字秋檠
又名性稿

文輝克有駿
遠宗姬黃駿

周禮問

又謂古一官而異名者固不可盡開但官名雖異而職並同者則當去其一如圻父是司馬則亦司馬官外永開又立一圻父官也今地官有牧人則不當又有牛人夏官有校人則不當又有圉人春官有鬱人則不當復有嚙人天官有獸醫則夏官不當復有巫馬如此者不可更僕且周官三百六

十屬比之日月星辰之度有成數矣今通計每不止此數大約據宋人所辨天官六十三地官七十九春官七十一夏官七十秋官六十六卽五官之屬已有三百四十有九則加以冬官勢必又增六十將至四百餘而謂三百六十可乎

官名同異固不可拘然官職同異亦不可定據云牧人牛人不應兩設以爲純言牧則牛已在內可兼官耳殊不知牧不止牛合掌祭祀之六畜而牛人則又不止祭祀之牛有膳牛燕牛犒牛喪牛軍事任載牛原不能兼卽有謂六畜雖繁而總審則一後世並不

設公牛一官尚不患不給况已設其一何必自兩出
在周官中原設兩名詩爾牧來思註牧牧人也而國
語有牧協職又有犧人薦醴則設牧仍設牛入此非
作周禮者可私去也校人亦然在周禮所記職掌原
自不同吾姑以孟子觀之昔有饋生魚于鄭子產子
產使校人畜之池則校人又可兼澤魚之畜不止惟
弓鬯人浴馬專職馬也至于鬱人築鬱鬯人釀鬯顯
屬兩事雖國語有鬱人薦鬯語此指祭時兼攝者耳
若巫馬一官專療馬疾他不可考嘗念論語有巫馬
期一人則古以官爲氏此必周時有是官而用爲氏

者官固不可造然又敢私去耶

至若周官多人則宋元明攻駁者不下數十家皆人
人自誤並無一準今此又誤矣周禮每官各六十此
指各長官之屬爲言如後世所稱堂上官者天官稱
治官之屬地官稱教官之屬除一卿二大夫外有下
大夫四人上士八人中士十六人下士三十二人介
得六十六人此六官並然者六六三十六爲三百六十
未嘗贏一亦未嘗闕一也今乃自爲數以漫當之使
校官數耶則天官之官約二百一十有奇地官之官
除鄉遂外約四百七十有奇春官約四百二十有奇

夏官除典師外約四百五十有奇秋官約三百六十
有奇與諸家所攻駿者無一相合使交府史胥徒數
耶則天官約三千五百五十零地官除門閭夷衡無
算數外約三千五百一十零春官約二千三百零夏
官除典師外約二千三百零秋官約三千九百零與
諸家所攻駿者又無一相合則自坐起妄罪及止六
官諸官不必盡備卽各官徒役又何嘗謂列其數則
必按其人以克實之如司樂一官有弊人六百果須
六百乎司樂諸徒役共有七百四十九果須七百四
十九乎樂者非府史可紀其諸器搗持非識聲者不

能將則亦何所用諸徒役曰弟以名耳他官亦然假如膳夫諸職共士六十餘人而其爲府史胥徒者且共有四百八十餘人如必具其實則將使濟濟多士克盈庖厨而屠宰非大徵大發公然有四百八十人趨走其間無是事也故旅士之設十應其三徒役之設十應其二此爲恒例且其中有可兼者有可攝者有一設卽已者有一設不卽設者有時而設時而不設者有但有其名而全不設者可兼者如國語哲人授鬯是也可攝者如子產使校人代魚人鬻魚無羊詩以牛人代羊人牧羊是也一設卽已者如王膳宰

則設掌。舍有盟會。則設詛祝。有田狩。則設甸祝。有國
讎。則設方相。否卽不設是也。一設不再設者。如五路
之右。初各立一官。而其後但以齊右。追有克之。上方
建國都形方正。封域第十。初開闢時。設此諸官。而其
後祇屬之職。方之掌而不必再設是也。時而設時而
不設者。如秋時采荼。則設掌荼。三時則否。夏時采葛
則設掌葛。三時則否。十二年巡狩。則設三詛。詛訓夾
王車。而道諸方之土地。與誦諸方之事。易他年則否
是也。但有其名而全不設者。如庭氏。縣氏。蠻氏。穴氏
。若族氏。伊耆氏。諸官何必有人。至如掌三龜。中有蠻

隸閭隸夷隸貉隸各一百有二十人此不過列以爲
觀美示廣大爾使必衆人以實之則守且捕斯四番
以充足其數足察官也

然又有社者宋人皆言縣縣可設社社如夏官鄉
遂二職據鄉老職五家鄉且有下士焉是五比
爲閭有中士爲閭胥四閭爲族有下士焉族有族
族爲黨有下大夫爲黨正五黨爲州有卿大夫爲
州長五州爲鄉有卿一人鄉之鄉大夫六鄉之民
不過七萬五千家耳今每鄉有二大夫五人
下大夫二十五人上士一百一十人下士一百

人下士二千五百人一鄉之中自卿至下士凡二千一百五十六官合六鄉之則有萬八千八百三十六官不知七萬五千之家何以供之然上八遂亦然合六鄉六遂當得二萬七千八百七十二官向使據孟子王制凡諸侯下士比之上大夫一人則此三萬七千八百七十二官常食三、萬四千八百四十八人之祿令鄉遂十五萬家什之供三十萬四千餘人之祿非憂乎

此則人人知攻之其爲說何止此數然卽以核之其爲數亦各不同據此五家設一士閭二、五家設

五士閭士一人黨五百家設百士黨大夫一人州二
千五百家設五百士州大夫一人鄉一萬二千五百
家設二千五百士鄉大夫一人則一鄉除公半人鄉
一。人外。者。天子六鄉每鄉一卿即六卿也。其有公半人
三卿為三公。正分于六鄉。而止共得一公矣。蓋六
司分三公。為三公。而司徒為一公。宗伯司馬為一公。司寇
稱司徒為一公。而司寇為一公。則取其下者。假知家宰為公。亦
非古制也。見尚書大傳。說此。以司徒司馬司寇為三公。亦
六卿不另設。故不列鄉官數。內大夫三人。士二千五
百零二人。合六鄉計之。共得一萬五千零五官。與所
較萬八千九百零三十六官之數。全不相合。且其官
甚卑。即名大夫者。亦不過邑宰縣長之通稱。如春秋

稱。郅。大夫。郅。大夫。鄉。邑。大夫。之。類。雖。分。中。下。實。非。六。等。大。夫。也。至。于。士。則。卑。之。尤。卑。不。過。庶。人。在。官。者。與。府。史。胥。徒。之。屬。不。甚。相。遠。雖。同。名。爲。士。而。實。則。不。同。如。夏。官。有。公。司。馬。不。必。與。司。馬。同。秋。秋。官。有。諸。士。不。必。與。士。師。同。等。况。旅。士。至。賤。卽。師。巫。男。子。奄。人。小。子。凡。執。鞭。滌。器。之。役。皆。稱。爲。士。故。宗。伯。目。後。明。列。一。條。云。凡。以。神。士。者。專。以。其。藝。爲。貴。賤。之。等。謂。就。其。技。之。高。低。分。爲。士。之。上。中。下。此。借。巫。男。一。例。以。概。其。餘。縱。稱。上。士。亦。必。不。使。食。上。農。之。食。何。况。中。下。乃。安。據。孟。子。槩。以。下。士。之。祿。授。之。則。全。誤。矣。况。鄉。遂。之。官。迥。異。

朝廟其所設諸屬往有不必計祿食者蓋古制雖衰而編戶之法則未嘗亡也嘗計近代編戶自牌首甲長黨正里老以至鄉約圖總通村大鎮何曾不捱排編押動盈千萬而四顧闐然並不見有騷擾之跡形于毫毛若是者何也則以其人自爲食而非有他也然則鄉遂猶是矣古鄉官鄉老皆鄉人自爲之故鄉先生每有設教鄉塾觀里民出入兼司鄉飲賁興之事至鄰長閭胥皆舉鄉人才智者以克其任是以司馬命官卽取鄉之里老黨正以使之行軍所云在鄉爲鄉官在軍爲軍吏猶之六卿在朝爲官卿在鄉爲

卿卿在軍卽爲軍卿並未嘗有摶外將軍另行推轂
之制蓋周官一書總以官不必備四字統概全經雖
設官多名而備實無幾况欲斤斤計六等之食無是
理也

乃又有宋人共詆爲非是者自歐陽永叔暨顧氏
兄弟以下皆云書稱列爵惟五分土惟三故孟子
曰天子之制地方千里公侯百里伯七十里子男
五十里不能五十里附于諸侯百附庸王制亦同
今周禮云諸公之地方五百里諸侯四百里諸伯
三百里諸子二百里諸男百里則與周制異矣鄭

氏知其不可乃爲之說一爲三等武王增以千男其地猶因商之舊一斥大九州始皆益之若然則其益封時必有所併與所徙併一公之封而于男之國爲之徙者十有六不大廢乎况傳有之曰方里而非十井爲乘故十里之邑而百乘百里之國而千乘千里之國而萬乘古之建也不然百乘之家爲方百里萬乘之國爲方數圻矣豈可訓乎然則周禮可信乎

尚書分土惟三正與孟子王制公侯百里伯七十里子男五十里之制相合鄭康成過信周禮必依周禮

五等爲牢不可破之經。及以武成與孟子王制諸說
目爲商制。若然。則春秋鄭子產對晉問。謂天子一圻
卽千里。列國一同。卽百里。餘自是而殺爲七十里。五
十里。其說不可通矣。此等無理。人人皆能言之。殊不
知此非周禮本義。係康成誤解。妄坐周禮而肆卒無
有爲之暴白者也。夫周禮未嘗曰公必五百里。侯必
四百里。伯必三百里。子必二百里。男必一百里也。彼
以爲三等分國。固有常制。然不無特設以待非常之
典。假若有新封者。必需賜國有大功者。必需益地。則
不能限以百里。而就其特設約爲之限。大約公不過

五。侯。不。踰。四。伯。與。子。男。以。漸。而。殺。而。况。此。五。百。四。百。
三。百。以。開。方。計。之。則。五。百。非。千。里。之。半。也。每。州。千。里。
以。五。百。分。之。當。得。兩。公。而。職。方。氏。曰。以。千。里。封。公。公。
可。有。四。則。以。千。里。開。方。得。爲。方。百。里。者。百。而。公。五。百。
里。則。爲。方。百。里。者。二十。有。五。以。二。十。五。而。較。之。百。數。
則。其。所。爲。二。十。五。爲。一。公。者。凡。有。四。公。而。百。數。已。盡。
是。公。五。百。里。非。千。里。之。半。也。分。千。里。之。半。爲。五。百。里。
而。又。分。五。百。里。之。半。爲。二。百。五。十。里。故。曰。諸。公。之。地。
封。疆。方。五。百。里。其。食。者。半。謂。食。五。百。里。之。半。而。前。鄭。
後。鄭。各。妄。爲。註。解。而。終。不。得。釋。此。千。古。疑。案。所。爲。各。

在口而不能辯也。四百里三百里亦然。每州千里以
四百三百分之則侯當有兩之半。而伯當有三。乃曰
有六侯十一伯。則以千里開方得爲方百里者百。而
以四百里則爲方百里者一十有六。伯三百里則其
爲方百里者九。以一十六與九而較之。百數則其所
爲一十六爲一侯者。凡有四侯。凡爲一伯者。凡有十
一伯。而百數已盡。故曰諸侯之地封疆方四十里。其
食者參之一。諸伯之地封疆方三百里。其食者亦三
之一。謂侯食四百里之一。伯食三百里之一。雖千里
三侯尚缺半侯。而約其成數。不過如此。降而子男。則

子分二十六爲四分有餘男分一百爲無所分此皆就其分合而約略計之故據其特設則公地倍半侯伯半倍子男似稍減而計其實數亦相去不遠此其說在夏官職方氏疏與王制正義已明明言之而世不深察也按職方氏云凡邦國千里以方五百里則四公方四百里則六侯方三百里則十一伯方二百里則二十五子方百里則百男以之周乎知天下恭統計九州之界方七千里以七乘之七七四十九則方千里者四十有九其一爲王畿餘四十八以六乘之六八四十八則分計八州每州應有方千里者六

而于是設法以行之假使有大功者當以五百里之
公封之耶則以一千里封公公可有四有次功者當
封四百里侯封耶則以一千里封侯侯可有六又次
以三百里之封封伯耶則千里封伯伯可有十一又
次以千里各分二百里作子封耶則子可有二十五
又次以一千里各分一百里封男耶則男可有百如
是則卽此五千里而五等之爵已可滿其數卽一州
可共得一百四十六國統八州計之當得一千一百
六十八國其與周制千八百諸侯已足彷彿而况五
百之數祇留其半四百三百祇存其一則每州之中

所設法以待特頒者不過十分之三而其餘之定三等以立常制者未嘗乏也又况五千里外尚有一千未計及耶是以五等分國本造爲設法之例以統數故曰可以之周知天下非謂一州之中必四侯十一伯二十五子百男也賈公彥曰周之稱東西二伯耳今一州有四公則四八三十二問周八百年間曾有三十二公否乎蓋立國饒閒田王制曰三等之外其餘以爲附庸閒附庸須賜閒田亦須賜魯頌曰錫之附庸此賜庸也若閒田之賜則自賜國錫土慶地實地外禮

運云天子有田以處其子孫謂王之子弟當封者也
故宗人之職掌封王子弟之事且分同母異母之
比之公卿大夫之三等而公卿在朝以食其祿
之後又有副田卽公卿世爵不必盡與世祿之
父祿者則又有祿仕之田其爲開田之所用雖不
一。是以厲宣以後尚有封鄒封小邾之事雖成國
開祗滿百里因有不滿百里不成國之語而其後
漸加賜如襄王賜晉文陽樊温原之類春秋地大
盡侵伐致然也故特封之典專待有功若無功縱
本是公爵惟守百里地而無所增益王制註云周制有

得尊而國小。爵卑而國大者。職是故也。其餘鎮藩要
荒。雖無封爵而封地之法。則亦如之。若燕氏謂商爵
三等。至周公斥大九州。始益其封。爲或併或徙。必至
大擾。此由不曉開田有餘之故。而且誤以康成之臆
說爲周禮文。失之失矣。若其稱傳有之曰。方里而井
十井爲乘。故十里之邑而百乘。百里之國而千乘。千
里之國而萬乘。若以百乘之家爲方百里。則萬乘之
國爲方數圻矣。其說似辨而大不然者。十井爲乘。未
嘗有此傳文也。論語道千乘之國。解者以司馬法。何
出一乘計之。當得百井。出一乘百里之國。以開方計。

之雖有萬井然百井一乘則萬井止百乘于數不合
故包咸註論語謂十井出一乘而何休註公羊傳亦
云軍賦十井不過一乘此包何二儒杜撰無據之言
而目之爲傳已可笑矣且揣其意一似開方百里則
地小不給而不知開方之說王制有之不始周禮且
王制開方統計九州凡千八百國並無一闕而以此
爲萬乘慮宋人不讀書卽歐蘇已然何足怪也

然而前儒攻闢者不一而足胡宏謂王贊同姓諸
侯后出雜獻其爲男女之別安在王應麟謂刑止
于五而秋官條狼氏誓駁曰車轅此秦法也成周

之制斷不如是黃震謂鈞金束矢先入官而後聽
訟此在昏靡之世猶不爲而謂周公爲之乎

此則所謂欲加人罪不患無詞者但未嘗無說周
后夫人大饗出獻明見禮文故坊記云子曰禮非祭
男女不交爵以此坊民陽侯猶殺繆侯而竊其夫人
因之大饗廢夫人之禮則古禮今廢明有可據並非
周禮倡見也若刑止五刑固是常典故名曰典刑然
此外或烹或醢或磔或用在春秋前後多有之故左
傳早有轅諸梁門轅觀起于四境諸文何曾事是秦
法况周禮所云係士師誓戒之詞用之軍旅皆此典

常制所以明戒尚書甘誓云不用命戮于社予則擊
戮汝則族誅之刑古不多見而甘誓實有之得毋夏
后氏用齊法乎至于鈞金束矢則並非流加之誅訟
之人彼謂秋官禁民訟將以禁民之以貨財相爭者
因卽以貨財禁之先使之人束矢束矢者百矢蓋禁
之使勿貨而非以貨爲訟也其禁民獄所以禁民之
以罪名相訐者故卽以贖罪之重緩禁之先使之入
鈞金鈞金者金三十斤亦以禁之使勿獄而非以獄
爲利也是鈞金束矢各有所用未嘗概施之獄訟而
讀書不解妄起或辨誤矣况易之噬嗑利用刑獄其

于六四云噬乾肺得金矢前儒亦有以周禮金矢解其義者雖不必盡合然而周禮之必非杜撰此亦可驗也

至明羅喻義攻古文尚書兼攻周禮有云書曰虎賁綴衣趣馬小尹百司庶府詩曰趣馬歸氏騂犬左右皆中朝官也若三百六十屬盡繫六卿則王無親臣矣及讀書序穆王命伯冏爲周太僕正作冏命典冊赫然與大司徒並此豈爲人屬者哉此甚不通者周官三百六十官以其屬六卿而使謂非中朝官非天子親臣則今六部并諸寺府屬官皆

非中朝官乎。况周官三百六十屬，每官六十，皆指大
小卿僚屬爲言。如後稱堂上官屬者，並非虎賁、緹衣、
趣馬、小尹、膳夫左右諸有名字之官。予前已明言之。
此皆二鄭誤解後儒誤評者。况天子親臣謂大臣正
六卿也。六卿之外凡諸有名字官，並不得稱親臣與
六卿並。若謂太僕正與司徒並，則太僕正一官之長
也。此親臣也。至左右攜僕卽屬官矣。今謂左右攜僕
膳夫左右皆中朝官，皆不得爲官屬。則欲于太僕正
外另開一左右攜僕衙門，與太僕並于宰夫外另開
一膳夫衙門，與六卿並不大亂乎。

但周禮之出在東漢儒者卽有林碩字孝存者謂孝武題爲末世遺亂不驗之書作十論七難以排棄之惟鄭康成酷信周禮爲之條答而惜其說皆不傳向使林說能行當必有異于宋明之儒之攻之者兩賢相阨不必康成是而孝存非也

林孝存存漢世未嘗有聞祇以攻周禮得名則其所攻者自必有出入思表爲俗儒所不能道故十論七難向亦嘗以不見爲憾及觀賈公彥疏周禮有數難載入釋義急取驗之爲之大驚此何等人而可以難周禮然後知周禮博人雖攻者四集而東潛西滌仍

無畔岸秦漢以後所藉之以略見周制者幸有此書
不可不察也據賈疏于春官女巫之職有云凡邦之
大裁歌哭而請裁林鄭問答頗詳而惜其文多沿訛
不可卒讀夫以周官至煩重其大事可議何止什伯
而辨及女巫已可笑矣且七難未備其在隋唐間尙
能傳道周悉如此節則此一節當實可發人悟思者
而不意其言猥陋全不足道據云國有大裁歌哭而
請魯人有日食而哭者傳曰非所哭謂不宜哭也又
云哭者哀也歌者樂也有哭而歌是以樂裁謂哭則
不宜歌也又云裁而樂之將以何請孔子曰哭則不

歌歌哭而請道將何爲謂哭而歌則非所請也而鄭
答云日食異者也於民無困哭之爲非其所裁害不
害穀物謂日食與旱暵不同于民無困不裁害穀物
故不宜哭也裁不然也又云董仲舒曰等求雨之術
呼嗟之而歌詩云云謂旱暵之禱卽是求雨故需歌
也又云然則雲漢之篇亦大旱之歌謂原有詩歌也
又云考異郵集二十四旱云云皆呼嗟以成發氣謂
此皆大災可歌哭也又云多災哀也歌者樂也今喪
家挽歌亦謂樂非謂歌亦有非樂者也又云論語子
于是曰哭則不歌謂一日之中旣以哀事哭又以樂

事歌是爲哀樂之心無常此云歌者憂愁之歌如雲
漢之詩非此之議謂論語所記者以歌哭二事恐哀
樂無常故爲戒耳今歌是憂愁則歌卽是哭非二事
也就其問答則林訕鄭伸固不待言然鄭于此答支
離逃悶殊未俊快凡林所發難不過謂雪不宜歌哭
且歌哭不宜並用耳夫雪不宜歌哭則兩言夾之雪
者吁嗟之祭也吁嗟者哀嘆之發聲卽哭也月令仲
夏之月祈祀山川百源大雩帝而用盛樂盛樂者師
巫之歌舞卽歌也若夫歌哭不並用則無禮尤甚試
問其所難者伊何人巫也巫則以歌哭爲能事不讀

易乎。易之中孚曰：或鼓或罷，或泣或歌。夫中心相孚，有何疑貳？而鼓罷不常歌泣，並用至于如此，以爲此中孚者，上與下兌兌者澤也。而夫子說卦傳曰：兌爲澤，爲少女，爲巫，爲口舌，是內卦爲兌，原有女巫之象。而六三爲兌口，則正值女巫口舌歌哭並用之際，是以鼓罷不常歌哭，雜見則是女巫之職，正以此著周禮是文，直通周易而孝存，不知康成亦未曉盲人暗馬千載一轍。吾故曰：漢儒通經而未精，况後此者，此非妄言也。

又夏官制軍之法，賈疏云：鄭答林頌爲三萬之大數。

者以實言之也。此則林難與鄭答俱不詳載。祇此一語又不可解。然推其意大約林疑周禮大國三軍次國二軍小國一軍之說。謂魯係次國當得二軍。何以魯頌有公徒三萬之文。故鄭以大數答之。謂魯原有三軍。春秋書作三軍。舍中軍者非其實也。惟三萬者係三萬七千五百之大數。乃是實耳。實則公徒三萬係千乘之國。每三十人爲一乘之數。非軍制征軍之數。問與答俱未是也。又鄭答林碩云。軍者兵之大名。推其意似林疑周禮軍師之稱。謂古稱六師無稱六軍者。故鄭以大名解之。此則更猥陋不足道者。春秋

襄十四年云成國不過半天子之軍周爲六軍諸侯之大者三軍可也則顯然以軍名且顯然有大國三軍之法故論語曰子行三軍則誰與而以是相難劣矣若國語萬人爲一軍亦舉成數而言之非有異也然而書詩易三經則禮記多引之周禮儀禮禮記三經則詩書三經並未道及卽孔孟二書其論經多矣然未有論及三禮隻字者何也

此予之所以疑此書爲戰國人書也然此書爲戰國人書而其禮則多是周禮當讀大戴記朝事一篇其中所載大宗伯典命典瑞大行人職方射人諸職全

是周禮原文所差不過一二字考是時三禮未出大小二戴于儀禮則直受后蒼曲臺記立二戴之學于禮記則尚未有定當時見于西漢書府者猶有二百餘篇而周官一經則未之見也乃大戴所錄則儼然有朝事諸文在周人言周禮者與今周禮相同此豈戴德見周禮而附會之抑亦李氏上周官經時竊襲此朝事諸文而增入之也然則周禮果周制其爲周末言禮者所通見當不止朝事篇矣是以內則一篇亦有凡食視春時凡和春多酸及牛宜稌羊宜黍一十四句又有春行羔豚膳膏肺及牛夜鳴則瘠十句

與周禮文全同。所差不過古今文一二字間。此必當時言禮家所習言。習用故彼此並出。全文不易斷非一人一意可撰造者。况當時書多所傳。禮記外原有孔氏學七十篇。及明堂陰陽王史氏記所載多天子諸侯卿大夫之典。而惜其書無一存也。